

詩詞

春陰與若文遊花丘灣

陳樹人

早春佳景屬輕陰，郊外條然亦一尋，桃李未開纔著蕾，杏
櫻先發已成林，茶畦麥地迷詩眼，霧岫烟巒慙畫心，誰料
花丘灣此際，較來晴日興還深。

春寒遊花丘灣共若文

前人

探花日日嘗辭忙，幾日春寒滯景光，桃李不嫌仍未發，芳
菲時節得延長。

春陰散步花丘灣

前人

好趁陰輕寒薄朝，春郊乘興一逍遙，芳菲有意藏花蕾，落
旂風情上柳條，足水猶由澄碧海，含烟麥嶺混青霄，無端
幾點催時雨，清景歸來且畧描。

許女行有序

但燾

曰者林森路層樓焚如，縫工許氏老幼七人，殲其
六，長女年十三，于烈火中，出剪刀，裂寢衣，
作繯束母身，自縊縊之下，幸以獲全，回身救諸
弟妹，遂俱殉焉，許工身被灼傷，蹈險遁出，少
頃負痛亡，余哀許氏女弱質壽齡，智仁勇俱備，

為作是篇，以誌來者。

寒門許氏女，早智專親憐，紅顏仁且勇，髮欲齊肩，深
夜寢積火，徒薪嗟未先，老稚魂呼吸，焦爛仆相連，剪繯
穿母臂，縊縊命幸延，豈但脫母險，還期弟妹全，回身不
復顧，五命燼濃煙，苟憐拯父厄，史乘贊其賢，奚如許氏
女，夙成出自然，短歌紀芳烈，千載視斯篇。

柳州錄別五言三首

李仙根

四海酣龍戰，紛吾又向西，輕離常急難，忘食黨言棲，飲
氣歸故柱，看花信馬蹄，只餘心不忍，處處聽猿啼。
慷慨思投筆，萍憂敢曰先，不虞詩作祟，拚與墨齊年，虛
想烏頭飯，難求紫綬錢，自是生真草草，心事上冰弦。
十載飄零慣，相看髮漸稀，壯心隨甲馬，忍淚睇山河，憂
樂誰堪共，誠酸口未和，乘龍天欲近，為問又如何。

題萬籟亭

鄧公玄

白健生將軍築亭於西泉令夏遠予小憩因示以名亭
萬籟之意並命詩以紀之遂成一絕蓋寫實也
萬籟亭前聽五均，清風明月兩常親，將軍百戰勳名盛，又
得林泉洗劍塵。